

re actam vitam & res fortissime gestas si respicimus, de priscis Romanis aliquem bello togaque clarissimum videmur intueri. Sic enim res nostra ætate fere dissociabiles, armorum ac litterarum studium, illorum exemplo coniunxerat, ut non tantum summus Dux militiæ, sed Orator etiam disertissimus, prudentissimusque rei publicæ administrator fieret: cui extremus actus in obsidione Budensi fuit, ubi triduo ante, quam vrbs regia caperetur, Comorræ, ad Danubium munimento, fataliter extinctus est, nostrumque DEFUNCTVM vix trimulum reliquit, utpote CIOIOCLXXXIII mense Augusto editum. Mater superstes, & luctu iam tantum non exanimata, est itidem illustris Matrona EVA CATHARINA GÖRNIA, viro summe reuerendo, generosissimoque, GEORGIO CHRISTOPHORO DE GÖRNE, Decano Cathedralis Ecclesiæ Brandenburgensis, & equestri Ordinis per Marchiam Directore, nata, nunc, postquam eluxerat, cum perillustri viro CAROLO GOTHOFREDO BOSE, potentissimi Regis Poloniarum & Electoris Saxonix, cetera, Consiliario Intimo, Equite Ordinis Ioannitarum, & Circuli Misnensis Governatore, matrimonio coniuncta. Satis diximus de antiqua DEFUNCTI nobilitate, utroque Parente nominatim laudato, et-